



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. VIII. De Cisterciensium monasterijs, Deiparæ cultu ac miraculorum gloria claris in Belgio.

urn:nbn:de:hbz:466:1-11249

ti, & alibi excitata: in quibus, præter abstinentiam à carnibus, summus disciplinæ monasticæ viget rigor: vt monialibus Carmelitanis discaleatis parum aut nihil cedere videantur.

CAPVT VIII.

De Cisterciensium monasterijs, Deiparæ cultu ac Miraculorum gloria claris in Belgio.

ET si omnia ac singula Cisterciensis instituti cœnobia Virgini matri sint dicata; ex ijs tamen nōnulla præ reliquis Deus Opt. Max. Miraculorum splendore, ac frequētione hominum concursu nobilitauit. Inter Belgica(nam de alijs alijs dicent) eminent *Camberona* in diœcesi Cameracenſi, *Laus B. Mariæ* in Tornacensi, & *Villarium* in Namurcenſi sitū.

Camberona ampla atq; illustris Abbatia, in Comitatu Hannoniæ, tertio lapide à Montibus, quę vrbs est metropolitana, amceno loco sita, anno salutis millesimo centesimo quadragesimo octauo à S. Bernardo Claræ Vallis Abate initia sua accepit. Hoc in monasterio visitur imago Deiparæ, quæ anno millesimo trecentesimo vicesimo secundo à Iudeo quodam perfido laſa cū fuisset, mox languinem emisit. Historiam miraculorum illius loci cōscripsit V Valrandus Caoltius, & Duaci anno 1606. publicauit.

Apud

Apud Insulas Flandriæ Gallicanæ emporium sita est Abbatia Laudenfis, vulgo Luncupata, quæ facellum habet Deiparæ sacram, frequēti piè peregrinantium concursu celebre.

Anno
1603.

De Villario libet paulò altius, in extero rum gratiam, repetere. Collis Asper, vulgo *Mons Acutus*, locus olim silvestris, nunc à paucis retrò annis opidum Brabantiae, portis ac mœnibus clausum, haud procul à Schemio, vetusto opido & arce, visitur. In dicto colle quercus annosa exstabat, cui imago seu statua Deiparæ pendebat affixa. Ad hanc locum cùm anno millesimo sexcentesimo tertio præsertim frequens hominum, opem ac solarium à Diua potentium, fieret confluxus, facellum primò ex tabulis, post è lapide se cto iuxta exstructum, & anno millesimo sexcentesimo quarto, à *Matthia Houio*, Mechliniensi Archiepiscopo, sacratum est. Quercus autem, mandato *Ioannis Miræi*, patrui nostri, tunc Antuerpiensis Episcopi designati (quem ad Miracula discutienda, aliaque pro bono piè peregrinantium statuenda idem Archiepiscopus eò miserat) paucis antea mensibus à stirpe excisa est: idque vel ideo, quod trunco variè scisso & imminuto, cùm fragmenta & asperas quisque peteret, casum iam minaretur. Excisa itaque, & quod eius superfuit, à varijs piè ac religiosè est expetitum, ut inde statuas seu icones sibi faciendas curarent.

Sic

Sic & Ioannes Miræus ex fragmentis grādioribus, domum allatis, statuas aliquot seu icunculas Deiparæ faciendas mandauit. Ex his vnam dono dedit D. Roberto Henriono, Abbatii Villariensi : quam in facello nouo, à fundamentis Villarij exstructo, cùm is collocasset, factus mox est accolarum ac longè dissitorum concursus, qui hodieque durat, præsertim febribus curandis. Itaque multa à varijs mox donaria sunt oblata : inter alios Amplissimus D. Petrus Pecquius, Brabantiaæ Cancellarius, Versus istos, typis Plantiniani editos, Deiparæ sacrauit:

*Nouem maligna febre fractus mensium,
Medicæq; iam spem mente deserens opis;
Opem requiro cælitus, supplex nouam,
Maria, ad aram prouolutus hanc tuam.
Voco Mariam; culpa matrem non sinit.
Sed ecce Mater, Mater illicò es mihi.
Quartana febris abiit, ô benignitas
Dei parentis immerens hominum in genus!
Abiit repente febris. Id gestum rei,
Villariensis Aspricollis in iugo,
Cognoscat etas nostra, postera & sciat.
Ego grata laudis usque & usq; cantica
Matri salutis offeram venerans mea.*

Prid. Kal. Iunij, M. D C. XIX.

CA-